



Cumün d'Ardez

Radunanza cumünala nr. 09/07 dals 30-04-2007

Preschaints: 24 votants e votantas

S-chüsats: Duri Mengiardi, Stephan Bösiger, Jon Armon Strimer, Men Janett, Curdin Brunold

Tractandas:

1. Approvaziun dal protocol dals 12-12-2006
2. Rendaquint 2006 215
3. Orientaziuns e varia

1. **Approvaziun dal protocol dals 12-12-2006**
Il protocol dals 12-12-2006 vain approvà cun gronda majorità.

FINANZAS

10.

2. **Rendaquint 2006** 215

Quint da gestiun 2006

La suprastanza cumünala preschainta il quint da gestiun 2006 a la radunanza cumünala.

Il quint da gestiun 2006 serra cun ün surplü d'entradas da frs 70'050.56. Büdschettà d'eira ün s-chavd da frs 326'640.00.

Quint d'investiziuns 2006

La suprastanza cumünala preschainta il quint d'investiziuns 2006 chi serra cun ün'investiziun netta da frs 454'829.90. Büdschettà d'eira ün'investiziun netta da frs 309'500.00.

Bilantsch 2006

Pro'ls avanzamaints i'l bilantsch vain visibel cha'l quint dal dicasteri aua nun ha pudü gnir diminui, quai voul dir cha las taxas d'aua sun massa bassas. Ils quints dals dicasteris rument ed antenna han pudü gnir diminuits.

La tabella da la survista da finanziaziun muossa cha'l cashflow importa frs 607'368.00 ed es restà i'l rom dals ons avant.

Il rapport dal büro da revisiun Allemann & Zinsli vain preschantà.

Il president da la cumischiun sindicatoria prelegia il rapport da la cumischiun sindicatoria e propuona d'approvar e da dar dis-charg als organs respunsabels.

Decisiun: La radunanza cumünala approva il quint da gestiun 2006 cun gronda majorità.

Decisiun: La radunanza cumünala approva il quint d'investiziuns 2006 cun gronda majorità.

3. **Orientaziuns e varia**

- 3.1 **Tuor Vonzun**

Il capo orientescha ch'el ha tut part ad üna visita occulara cul schef dal dicasteri e cun sar Florin da la chüra da monumaints. In quella esa gnü discutà il proceder pussibel cun la Tuor Vonzun.

Id es previs da pulir la Tuor e montar spuondas pro la s-chalas. Usche vain fat accessibel la Tuor per giasts ed indigens. Las guidas vegnan fattas d'Ardez turissem e l'entrada illa Tuor es pussibla be cun la guida autorisada per far quai. Tras quista sporta daja üna attractività turistica implü ad Ardez.

Il schef cultura orientescha chi dà ün di da las portas avertas per la populaziun.

3.2 Sunteri

Il capo orientescha cha causa mancanza da lö per las fossas d'urna ed eir per s-chaffir daplü spazi liber i'l sunteri esa previs da levar fossas veglias. Quai sun:

- las duos lingias süsom chi sun previssas per fossas d'urna
- üna lingia cumanzond pro'l lö stip e las fossas a lung da la via fin sül otezza da las prümas urnas per s-chaffir daplü spazi liber
- illa part suot dal sunteri la lingia cun las fossas las plü veglias

Quista chosa nu sto gnir preschantada a la radunanza cumünala, causa cha las fossas vegnan levadas tenor turnus, quai chi correspuonda al regulativ dal sunteri e sta illa competenza da la suprastanza.

3.3 Inglüminaziun vers mezdi dal Chastè

Ün votant dumonda perche cha la part vers mezdi dal Chastè nu vain plü inglüminada.

Il capo orientescha cha als 08-05-2007 ha lö üna visita occulara cul proprietari dal Chastè e cha quista chosa vain discutada pro quel'ocasiun.

3.4 Via Sur En

Üna votanta dumonda perche chi saja miss aint üna chünetta massa cuorta pro la storta da Sampuoir e miss crappa da la vart da la via. Ella giavüscha cha quella chosa vegna refatta.

La chosa vain trattada in suprastanza.

3.5 Piazza Crusch

Üna votanta giavüscha cha la piazza da Crusch vegna tgnüda plü net ed in uorden. Eir il bügl ed il contuorn da quel nu vain nettià.

La chosa vain trattada in suprastanza.

01-05-2007

In buna fai

La chanzlista:

Il capo: